



## **XALQ DEPUTATLARI XIVA TUMANI KENGASHI QARORI**

220911, Xiva tumani, Shomoxulum mahallasi, Tinchlik ko'chasi, 121-uy

2023 - yil 29 - dekabr

VI-93-100-12-176-K/23

Xiva tumani hokimligi

### **Xiva tumanining 2024-yilgi mahalliy byudjetini tasdiqlash to'g'risida**

O'zbekiston Respublikasi "Mahalliy davlat hokimiyati to'g'risida"gi Qonunining 6, 24-moddalari, Byudjet kodeksining 99-moddasi, xalq deputatlari Xorazm viloyat Kengashining 2023-yil 28-dekabrda "2024-yilgi Xorazm viloyatining mahalliy byudjetini tasdiqlash to'g'risida"gi VI-76-190-12-0-K/23-sonli qaroriga muvofiq hamda Xorazm viloyati iqtisodiyot va moliya boshqarmasining 2023-yil 26-dekabrda 01-01-381/1681-sonli xatini inobatga olib, xalq deputatlari Xiva tuman Kengashi

### **QAROR QILADI:**

1. Xalq deputatlari Xorazm viloyat Kengashining 2023-yil 28-dekabrda VI-76-190-12-0-K/23-sonli 2024-yilgi Xorazm viloyatining mahalliy byudjetini tasdiqlash to'g'risida"gi qarori ma'lumot uchun qabul qilinsin.

2. Xalq deputatlari Xorazm viloyat Kengashining 2023-yil 28-dekabrda VI-76-190-12-0-K/23-sonli "2024-yilgi Xorazm viloyatining mahalliy byudjetini tasdiqlash to'g'risida"gi qaroriga muvofiq, Xiva tumani mahalliy budjetining 2024-yil uchun daromadlari 89 773 500.0 ming so'm, xarajatlari 179 924 699.0 ming so'm prognoz qilinganligi hamda Respublika budjetidan ajratiladigan tartibga soluvchi budjetlararo transfertlar 90 151 199.0 ming so'm miqdorida tasdiqlanganligi ma'lumot uchun qabul qilinsin.

3. 2024-yil uchun tuman mahalliy byudjeti daromadlari prognozi 1-ilovaga muvofiq tasdiqlansin.

4. 2024-yil uchun tuman mahalliy byudjetidan hududiy byudjet mablag'larini taqsimlovchilarga ajratiladigan mablag'larning cheklangan miqdorlari 2-ilovaga muvofiq tasdiqlansin.

5. 2024-yil uchun tuman mahalliy byudjetiga umumdavlat soliqlaridan ajratmalar normativlari 3-ilovaga muvofiq tasdiqlansin.

6. 2024-yil uchun tuman mahalliy byudjetining daromadlari va xarajatlarining prognozi 4-ilovaga muvofiq tasdiqlansin.

7. 2024-yil uchun viloyat byudjetidan tuman mahalliy byudjetiga ajratiladigan tartibga soluvchi byudjetlararo transfertlar miqdorlari 5-ilovaga muvofiq tasdiqlansin.

Bunda, tartibga soluvchi byudjetlararo transfertlar miqdorini tuman mahalliy byudjetlari daromadlari prognozi ijrosidan qat'iy nazar kamaytirishga yo'l qo'yilmasligi qonunda belgilab qo'yilganligi ma'lumot uchun qabul qilinsin.

8. 2024-yil uchun tuman mahalliy byudjeti zaxira jamg'armasi hajmlari 6-ilovaga muvofiq belgilansin.

9. 2024-yil uchun tuman mahalliy byudjeti shaxsiy g'azna hisob varaqlarida turgan byudjet mablag'larining yo'l qo'yiladigan eng kam miqdori 7-ilovaga muvofiq belgilansin.

10. Mobil aloqa xizmatlari, tamaki va alkogol mahsulotlari, shu jumladan pivo uchun aksiz solig'i bo'yicha tushumlar tegishincha 2023-yil 1-iyul holatiga ko'ra tuman aholisining viloyat aholisidagi ulushiga muvofiq.

11. Tuman hokimining birinchi o'rinbosari B.Xudayberganov, iqtisodiyot va moliya bo'limi B.Ro'zmetov, Davlat soliq inspeksiyasi Sh.Xayitbaev mas'ul tashkilotlar bilan birgalikda:

tegishli budjetlarni birinchi navbatda ish haqi va unga tenglashtirilgan to'lovlar, oziq-ovqat va dori-darmon va kommunal xizmatlar xarajatlarining rejalashtirilishini nazarda tutgan holda shakllantirish;

mahalliy budjeti prognoz ko'rsatkichlarni o'z vaqtida va samarali bajarish;

budjet mablag'laridan maqsadli va samarali foydalanish;

budjet intizomiga rioya etilishi ustidan nazorat va mas'uliyatni yanada kuchaytirish;

tegishli mahalliy budjetlarga soliqlar va boshqa majburiy to'lovlarning to'liq tushumini ta'minlash;

budjet daromadlar bazasini oshirish va qo'shimcha rezervlarni aniqlash zarurligiga alohida e'tibor qaratsin.

12. Davlat soliq inspeksiyasi Sh.Xayitboev O'zbekiston Respublikasi Soliq kodeksida belgilangan vakolatlaridan kelib chiqib:

soliqlarning to'liq va to'g'ri hisoblanishini hamda ushbu soliqlarni o'z vaqtida budjetga undirilishi ustidan soliq nazoratini kuchaytirishga;

yer solig'i, suv resurslaridan foydalanganlik uchun soliq va mol-mulk soliqlari bo'yicha doimiy tahlillar o'tkazgan holda, soliqlarni to'liq hisoblanishini ta'minlash hamda ushbu soliq to'lovlari bo'yicha soliq qarzdorligiga yo'l qo'ymaslik choralarini ko'rishga;

aylanmadan soliq turi bo'yicha soliq to'lovchilar tomonidan naqd pul aylanmalarining soliq hisobotlarida to'liq aks ettirilishi ustidan doimiy soliq nazoratini o'rnatish hamda zarur hollarda xronometraj va kameral soliq nazorati tadbirlarini o'tkazishga;

Bunda, mazkur yo'nalishda jamoatchilik nazoratini kuchaytirish maqsadida fuqarolarga xarid chekini talab qilib olishni targ'ib etuvchi ijtimoiy roliklar hamda video materiallar tayyorlab, ijtimoiy tarmoqlar va ommaviy axborot vositalarida keng targ'ibot-tashviqot ishlarini olib borishga alohida e'tibor qaratsinlar.

xatlov ishlarini samarali tashkil etish orqali yer va mol-mulk solig'ining soliq bazasini oshirish vazifasi yuklatilsin.

13. Davlat soliq inspeksiyasi Sh.Xayitboev, tegishli mutasaddi tashkilotlar bilan birgalikda:

noruda qurilish materiallarini qazib olish sohasida noqonuniy faoliyat olib borayotgan karerlarni aniqlash bo'yicha xatlovlar o'tkazish;

xatlov natijalari bo'yicha aniqlangan noqonuniy faoliyat olib borayotgan karerlar faoliyatini qonuniylashtirish hamda ularni soliq bazasiga qamrab olish;

noruda qurilish materiallarini qazib olish sohasida faoliyat olib borayotgan karerlar tomonidan qazib olinayotgan noruda qurilish materiallar hajmining soliq hisobotlarida to'liq aks ettirilishi ustidan doimiy nazorat o'rnatish.

Bunda, ushbu sohada faoliyat olib borayotgan karerlarning qazib olish hajmlarini doimiy tahlil qilib borish hamda zarur hollarda qazib olish hajmlarini aniqlashda mahalliy budjetning qo‘shimcha manbalari hisobidan “marksheydrlik” xizmatlaridan foydalanish lozimligi alohida belgilab qo‘yilsin.

14. Majburiy ijro byurosi Xiva tuman bo‘limi S.Iskandarov, Davlat soliq inspeksiyasi Sh.Xayitboev bilan hamkorlikda soliqlar va boshqa majburiy to‘lovlar bo‘yicha mavjud soliq qarzdorliklarini budjetga undirish yuzasidan tegishli choralar ko‘rib borsin hamda choraklar yakuni bilan soliq qarzdorliklarining chorak boshiga nisbatan kamayib borishi bo‘yicha barcha kompleks chora-tadbirlar ko‘rish vazifasi yuklatilsin.

15. Qambag‘allikni qisqartirish va bandlikka ko‘maklashish bo‘limi M.Ismailova jismoniy shaxslarning yer va mol-mulk soliqlari bo‘yicha joriy hisoblangan soliqlarni hamda ushbu soliqlardan mavjud soliq qarzdorliklarini undirish yuzasidan soliq organlariga amaliy yordam ko‘rsatsin.

16. Tuman hokimining birinchi o‘rinbosari B.Xudayberganov tegishli mutasaddi tashkilotlar bilan birgalikda:

bo‘sh turgan davlat mulki ob‘ektlarini aniqlash bo‘yicha xatlov ishlarini samarali tashkil etish;

xatlov natijalariga ko‘ra tumanda mavjud bo‘sh turgan davlat mulki ob‘ektlari ro‘yxatini shakllantirish;

shakllantirilgan ro‘yxatga asosan bo‘sh turgan davlat mulki ob‘ektlarini ijaraga berish yoki sotish bo‘yicha tegishli takliflar tayyorlash;

bo‘sh turgan davlat mulki ob‘ektlarini ijaraga berish yoki sotish bo‘yicha ijtimoiy tarmoqlar va ommaviy axborot vositalarida roliklar va video-materiallar tayyorlash;

xususiylashtirilishi mo‘ljallangan bo‘sh turgan davlat mulki ob‘ektlarini “e-ijro auksion” orqali sotish ishlarini tashkillashtirish vazifasi yuklatilsin.

17. Tuman hokimining birinchi o‘rinbosari B.Xudayberganov tegishli mutasaddi tashkilotlar bilan birgalikda tashqi reklama ob‘ektlarini to‘liq xatlovdan o‘tkazgan holda, ushbu tashqi reklama ob‘ektlari bo‘yicha shartnomalar tuzish choralarini ko‘rsin hamda ushbu shartnomalar bo‘yicha yig‘imlarni budjetga to‘lanishi ustidan doimiy nazorat o‘rnatilsin.

18. Irrigatsiya tizimi bo'limi boshlig'i E.Nurmetov va tuman soliq inspeksiyasi Sh.Xayitboev tuman hokimining qishloq va suv masalalari bo'yicha o'rinbosari bilan birgalikda tumanda sug'orishga sarflanayotgan suv hajmlari bo'yicha aniq hisob-kitoblar yuritgan holda mazkur iste'mol hajmlari bo'yicha suv resurslaridan foydalanganlik uchun soliqlarni to'liq hisoblanishini hamda moliya yili yakuniga qadar mahalliy budjetlarga to'liq undirib olish vazifasi yuklatilsin.

Bunda, qishoq xo'jaligi korxonalari tomonidan iste'mol qilinayotgan suv resuslari hajmlari va ushbu hajmlar bo'yicha hisoblanayotgan suv soliqlari bo'yicha doimiy tahlillar o'tkazishga alohida e'tibor qaratilsin.

19. Tuman iqtisodiyot va moliya bo'limi B.Ruzmetov:

budjet intizomiga qat'iy rioya etilishi ustidan doimiy monitoring ishlari kuchaytirsin;

budjet intizomini buzish holatlari bo'yicha har oy yakuni bilan Kengashga axborot kiritib borsin;

o'tkazilgan nazorat tadbirlari yakuni bo'yicha kamomad va noqonuniy o'zlashtirishga yo'l qo'ygan soha rahbarlarining hisoboti xar chorakda eshitib borilsin.

20. Kengashning mahalliy budjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo'yicha doimiy komissiyasi O.Raximov:

mahalliy budjetning qo'shimcha manbalaridan foydalanish to'g'risidagi hokimlik tomonidan taqdim etilgan takliflari asosida budjet qonunchiligiga to'liq rioya etilgan holda Kengash qaror loyihasini ishlab chiqilishiga;

Kengash qarori asosida mahalliy budjetning qo'shimcha manbalari hisobidan ajratilgan mablag'larni samarali va maqsadli foydalanishi ustidan nazorat o'rnatishga va natijalari bo'yicha tavsiyalar berishga monitoring qilishga;

Mahalliy budjet xarajatlarining qonunchilikda belgilangan qismining jamoatchilik fikri asosida shakllantirilgan tadbirlarni moliyalashtirishga yo'naltirilishida ishtirok etadi va ushbu mablag'larning maqsadli sarflanishi ustidan nazoratni amalga oshirishga mas'ul etib belgilansin.

21. Tuman hokimligi:

Xiva tuman mahalliy budjeti jami xarajatlarining 5 foizi hamda shakllangan

qo'shimcha mablag'larining kamida 30 foizini jamoatchilik fikri asosida shakllantiriladigan tadbirlarni moliyalashtirish uchun "Fuqarolar tashabbusi jamg'armasi"ga yo'naltirsin.

Bunda, tuman xalq deputatlari, tuman hokimligining yoshlar siyosati, ijtimoiy rivojlantirish va ma'naviy-ma'rifiy ishlar bo'yicha o'rinbosari, tuman hokimligi huzuridagi jamoatchilik Kengashlari hamda yangi joriy etilgan hokim yordamchilari budget jarayonida fuqarolarning faol ishtirokini ta'minlash maqsadida aholiga keng targ'ibot-tashviqot ishlarini olib borishga mas'ul etib belgilansin;

mahalliy budgetlarning qo'shimcha manbalari hisobidan xarid qilingan tovarlar va xizmatlar, qurilish, rekonstruksiya qilish va ta'mirlash ishlari olib borilayotgan ob'ektlar ro'yxati, shuningdek qurilish-ta'mirlash ishlarining moliyalashtirilishi to'g'risidagi ma'lumotlar har chorak yakunlariga ko'ra, keyingi chorak birinchi oyining 25 sanasiga qadar majburiy tartibda tegishli hokimlik rasmiy veb-saytlariga joylashtirib borilsin.

22. Tuman hokimining birinchi o'rinbosari B.Xudayberganov, tegishli muassasa va tashkilotlar bilan birgalikda:

mahalliy budget daromad va xarajatlarining prognoz ko'rsatkichlari bajarilishi hamda soliq bazasini kengaytirish yuzasidan ko'rilgan chora-tadbirlar;

ajratilgan budget mablag'laridan maqsadli va samarali foydalanishi yuzasidan erishilgan natijalar bo'yicha Kengashga bir chorakda kamida bir marotaba hisobot kiritib borsin.

23. Tuman hokimligi Qonunda belgilangan ayrim soliqlar va to'lov stavkalari, soliq solish tartiblari hamda boshqa ma'lumotlarni ommaviy axborot vositalarida yoritilishini ta'minlasin.

24. Mazkur qaror "Xiva tongi" gazetasida rasmiy e'lon qilinsin hamda tuman hokimligining rasmiy veb-saytiga joylashtirilsin.

25. Ushbu qaror rasmiy e'lon qilingan kundan boshlab kuchga kiradi.

26. Mazkur qaror bajarilishini nazorat qilish xalq deputatlari Xiva tuman Kengashining Mahalliy budgetni shakllantirish va ijro etish, iqtisodiy islohotlarni amalga oshirish va tadbirkorlikni rivojlantirish masalalari doimiy komissiyasi va tuman hokimligi zimmasiga yuklatilsin.

**kengash raisi**



**X.R.Matrasulov**

Xalq deputatlari Xiva tuman  
Kengashining  
2023-yil 29-dekabrdagi  
VI-93-100-12-176-K/23-son qaroriga  
1-ilova

**Xiva tuman mahalliy byudjetining daromadlarining  
2024 yildagi asosiy prognoz ko'rsatkichlari**

Daromad turlari		Summa (ming so'm)
1	Korxonalar aylanmasidan soliq	8 079 000
2	Jismoniy shaxslardan olinadigan daromad solig'i	28 269 5000
3	Yakka tartibdagi tadbirkorlar uchun jismoniy shaxslardan olinadigan daromad solig'i	565 000
4	Yakuniy iste'molchilarga benzin, dizel yoqilg'isi va gaz realizatsiya qilishdagi aksiz solig'i	15 618 000
5	Yuridik shaxslarning mol-mulkiga solinadigan soliq	3 499 000
6	Jismoniy shaxslarning mol-mulkiga solinadigan soliq	9 066 000
7	Yuridik shaxslar yer solig'i	9 941 000
8	Jismoniy shaxslardan olinadigan yer solig'i	10 019 000
9	Qurilish materiallari bo'yicha yer qa'ridan foydalanganlik uchun soliq	125 0000
10	Suv resurslaridan foydalanganlik uchun soliq	4 520 000
11	Davlat mulki bo'yicha ijara to'lovlari	72 000
<b>JAMI</b>		<b>89 773 5000</b>



Xalq deputatlari Xiva tuman  
Kengashining  
2023-yil 29-dekabrda  
VI-93-100-12-176-K/23-son qaroriga  
2-ilova

**2024 yil uchun Xiva tumani byudjetidan birinchi darajali byudjet mablag'larini taqsimlovchilarga ajratiladigan ajratmalarining cheklangan miqdorlari**

		ming so'mda
№	Ko'rsatkichlar	miqdori
<b>Xarajatlar miqdori, Jami</b>		<b>179 924 699, 0</b>
	<i>shu jumladan:</i>	
	joriy xarajatlar	179 924 699,0
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
	Tuman va shaxar mahalliy byudjetlariga transfertlar	
<b>1.</b>	<b>Xalq ta'limi bo'limi</b>	<b>12 797 305, 0</b>
	<i>shu jumladan:</i>	
	joriy xarajatlar	12 797 305,0
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>2.</b>	<b>Maktabgacha ta'lim bo'limi</b>	<b>10 061 110,0</b>
	<i>shu jumladan:</i>	
	joriy xarajatlar	10 061 110, 0
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>3</b>	<b>Sog'liqni saqlash bo'limi</b>	<b>90 706 914, 0</b>
	<i>shu jumladan:</i>	
	joriy xarajatlar	90 706 914 ,0
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>4</b>	<b>Madaniyat bo'limi</b>	<b>1 719 251,0</b>
	<i>shu jumladan:</i>	
	joriy xarajatlar	1 719 251,0
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>5</b>	<b>Ozodlikdan mahrum etish jazosini o'tab bo'lgan fuqarolarga "dastlabki ijtimoiy-moddiy yordam paketi"</b>	<b>18 400,0</b>
	<i>shu jumladan:</i>	
	joriy xarajatlar	18 400,0
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>6</b>	<b>Ijtimoiy ko'nikma markazlari</b>	<b>102 834,0</b>
	<i>shu jumladan:</i>	
	joriy xarajatlar	102 834,0
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>7</b>	<b>Jismoniy tarbiya va sport bo'limi</b>	<b>3 700 293, 0</b>
	<i>shu jumladan:</i>	
	joriy xarajatlar	3 700 293,0
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>8</b>	<b>Irrigatsiya bo'limi</b>	<b>1 220 972,0</b>
	<i>shu jumladan:</i>	
	joriy xarajatlar	1 220 972,0
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>9</b>	<b>Tuman fermer, dehqon xo'jaliklari va tomorqa yer egalari kengashi</b>	<b>225 709,0</b>
	<i>shu jumladan:</i>	
	joriy xarajatlar	225 709,0
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>10</b>	<b>Veterinariya va chorvachilikni rivojlantirish bo'limi</b>	<b>1 960 418,0</b>
	<i>shu jumladan:</i>	
	joriy xarajatlar	1 960 418,0

	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>11</b>	<b>Obodonlashtirish boshqarmasi</b>	<b>10 834 431,0</b>
	<i>shu jumladan:</i>	
	joriy xarajatlar	10 834 431,0
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>12</b>	<b>Ichki xo'jalik avtomobil yo'llarni ta'mirlash xarajatlari</b>	<b>4 000 000,0</b>
	<i>shu jumladan:</i>	
	joriy xarajatlar	4 000 000,0
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>13</b>	<b>Davlat boshqaruv organlarini saqlash</b>	<b>20 719 752 ,0</b>
	<i>shu jumladan:</i>	
	joriy xarajatlar	20 719 752,0
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>14</b>	<b>Zahira jamg'armasi</b>	<b>1 596 810 ,0</b>
	<i>shu jumladan:</i>	
	joriy xarajatlar	1 596 810,0
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>15</b>	<b>Fuqarolar tashabbusi jamg'armasi</b>	<b>18 646 900,0</b>
	<i>shu jumladan:</i>	
	joriy xarajatlar	18 646 900,0
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>16</b>	<b>Mahalla byudjeti jamgarmasi mablag'lari</b>	<b>1 613 600,0</b>
	<i>shu jumladan:</i>	
	joriy xarajatlar	1 613 600,0
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	

Xalq deputatlari Xiva tuman Kengashining  
2023-yil 29-dekabrda  
VI-93-100-12-176-K/23-son qaroriga  
3-ilova

### Umumdavlat soliqlaridan shahar va tumanlar mahalliy byudjetlariga ajratmalar me'yori

*Foiz hisobida*

T/P	Shahar va tumanlar nomi	Aylanmadan soliq	Jismoniy shaxslardan olinadigan daromad solig'i	Yakka tartibdagi tadbirkorlar to'laydigan jismoniy shaxslardan olinadigan daromad solig'i	Aksiz solig'i: - benzin, dizel yoqilg'isi va gaz realizatsiyasidan soliq	Yuridik shaxslarning mol-mulkiga solinadigan soliq	Jismoniy shaxslarning mol-mulkiga solinadigan soliq	Yuridik shaxslar yer solig'i	Jismoniy shaxslardan olinadigan yer solig'i	Yer qa'ridan foydalanganlik uchun soliq (noruda materiallari)	Suv resurslaridan foydalanganlik uchun soliq	Ijara to'lovlari
1	Xiva tumani	100	50	100	100	100	100	100	100	100	100	100

Xalq deputatlari Xiva tuman  
Kengashining  
2023-yil 29-dekabrdagi  
VI-93-100-12-176-K/23-son qaroriga  
4-ilova

Mahalliy budjetlarning 2024 yil daromadlari va xarajatlariing chegaraviy hajmi

ming so'mda			
T/r	Hudud nomi	Daromad	Xarajat
1	Xiva tumani	89 773 500,0	179 924 699, 0

Xalq deputatlari Xiva tuman  
Kengashining  
2023-yil 29-dekabrdagi  
VI-93-100-12-176-K/23-son qaroriga  
5-ilova

**Xiva tuman mahalliy byudjetining 2024 yilgi yuqori byudjetdan ajratiladigan tartibga soluvchi  
byudjetlararo transfertlar miqdorlari**

ming so'mda			
T/r	Hudud nomi	Tartibga soluvchi transfert miqdori	shundan aksiz solig'I tushumlari xisobidan ajratilgan mablag'lar
1	Xiva tumani	90 151 199 , 0	26 180 321,0

Xalq deputatlari Xiva tuman  
Kengashining  
2023-yil 29-dekabrdagi  
VI-93-100-12-176-K/23-son qaroriga  
6-ilova

**Xiva tuman mahalliy byudjetining zahira jamgʻarmasi miqdori**

ming so'mda		
T/r	Hudud nomi	zahira jamgʻarmalari miqdori
1	Xiva tumani	1 596 810,0

Xalq deputatlari Xiva tuman  
Kengashining  
2023-yil 29-dekabrdagi  
VI-93-100-12-176-K/23-son qaroriga  
7-ilova

**Xiva tuman mahalliy byudjetida yo‘l qo‘yiladigan eng kam mablag‘lar  
miqdori**

ming so'mda		
T/r	Hudud nomi	Miqdor
1	Xiva tumani	977 000,0